

## Beim Hoizbrunn'

Draußt beim Hoizbrunn'  
und uman Brunn' umadum  
find'st koan hüzan Brunn'.

A Ziag'lkastl durt steht,  
wonn vobei oana geht,  
siacht a koan Hoizbrunn'.

Eeschoit'n ko in Brunn jed's Kind,  
weu 's Wossa elektrisch rinnt  
aussa vom Hoizbrunn'.

Fria da Hoizbrunn' wor,  
— i erinna mi no sogor —  
wirkli a hüzan Brunn'.

\*\*\*

's beste Wossa vo Plott  
Groß und Kloa si g'hoit hot  
vom oid'n, hüzan Hoizbrunn'.

A Viert'Istund' bist marschieret,  
hot d'Muida di drangsaliert:  
„Hoi a Wossa vom Hoizbrunn'!“

Beim Brunn' woast scho volla Loam,  
mi'n voi'n Kand'l bist hoam,  
drin is Wossa vom Hoizbrunn'.

Dahoam – so wos gibt's nur in Plott –  
find'st im Kand'l a Patz'l Kot,  
eeg'fongt om Hoamwe vom Hoizbrunn.

Auslaan muißt, gehst nomoi los,  
und an Gift host, ries'ngroß,  
om We ausse zum Hoizbrunn'.

*April 2019*